

ქ. ლაგოდეხი

05.04.2019 წ.

### ხელშეკრულების დამდები მხარეები

ერთის მხრივ ლაგოდეხის მუნიციპალიტეტის მერია, წარმოდგენილი მისი მერის ჯონდო მდიენიშვილის (შემდგომში „შემსყიდველი“) და მეორეს მხრივ ინდ.მეწარმე გიორგი ვეფხვაძე აიტი სტუდია-ს (შემდგომში „მიმწოდებელი“) სახით, ვხელმძღვანელობთ რა საქართველოში მოქმედი კანონმდებლობით, საქართველოს სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანებით დამტკიცებული გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის მე-2 მუხლის „ა“ პუნქტის საფუძველზე ვდებთ წინამდებარე ხელშეკრულებას გამარტივებული შესყიდვით შემდეგზე:

#### 1. ხელშეკრულების საგანი

ხელშეკრულების საგანს წარმოადგენს ლაგოდეხის მუნიციპალიტეტისათვის დასუფთავების მოსაკრებლის პროგრამული უზრუნველყოფის პაკეტის „VGIO PAY“-ს დამზადება. შესასყიდი პროგრამის შესაძლებლობები და ფუნქციები მოცემულია დანართი N1-ში, /CPV72200000/.

#### 2. ხელშეკრულების ღირებულება

2.1 შესყიდვის ობიექტის მთლიანი ღირებულება შეადგენს 4000/ოთხიათსი/ ლარს, საქართველოს კანონმდებლობით დადგენილი შესაბამისი გადასახადების გათვალისწინებით.

#### 3. შესყიდვის ობიექტის მიწოდების პირობები

3.1 მომსახურების გაწევა უნდა განხორციელდეს 30(ოცდაათი) კალენდარული დღის განმავლობაში.

3.3. მომსახურების გაწევის ადგილია ქ. ლაგოდეხი 26 მაისის ქ. N25, ლაგოდეხის მუნიციპალიტეტის მერია.

#### 4. ხელშეკრულების შესრულების კონტროლი

4.1 მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

#### 5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად გაწეული მომსახურების შესაბამისად.

5.2. იმ შემთხვევაში თუ, მიწოდებული მომსახურება შეესაბამება ხელშეკრულებით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს მიწოდებული მომსახურების მიღებას, ხოლო თუ მომსახურების მიწოდების პროცესში გამოვლინდება, რომ აღნიშნული მომსახურება არ აკმაყოფილებს ხელშეკრულებით გათვალისწინებულ მოთხოვნებს შემსყიდველს უფლება აქვს არ მიიღოს ნაკლოვანი მომსახურება და დაუბრუნოს იგი მიმწოდებელს მიმწოდებლის ხარჯით.

5.3. იმ შემთხვევაში თუ ხელშეკრულების 5.2. პუნქტის საფუძველზე არ განხორციელდა მომსახურება მიმწოდებელი ვალდებულია 3 (სამი) დღის ვადაში უზრუნველყოს ნაკლოვანებების აღმოფხვრა, ხოლო აღნიშნული ვადის გასვლის შემდეგ მიმწოდებელს დაეკისრება პირგასამტებლო ხელშეკრულების 14.1. პუნქტით გათვალისწინებული პირობების შესაბამისად.

5.4. მიმწოდებელმა შემსყიდველს უნდა წარუდგინოს მიღება-ჩაბარების აქტი, შესაბამისი საანგარიშსწორებო დოკუმენტი.

5.5. ხელშეკრულების 5.4. პუნქტით გათვალისწინებული დოკუმენტაცია მიმწოდებელმა შემსყიდველს უნდა წარუდგინოს შემდეგ მისამართზე: ქ. ლაგოდეხი 26 მაისის ქ. N25, ლაგოდეხის მუნიციპალიტეტის მერია.

## 6. ანგარიშსწორება

- 6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, მიმწოდებლის მიერ ფაქტობრივად გაწეული მომსახურების ღირებულების შესაბამისად.
- 6.2. ანგარიშსწორება განხორციელდება მიმწოდებლის საბანკო რეკვიზიტებზე.
- 6.3. ანგარიშსწორება მიმწოდებელთან განხორციელდება ხელშეკრულების 5.4. პუნქტის შესაბამისად მიღება-ჩაბარების აქტის და შესაბამისი საანგარიშსწორებო დოკუმენტის საფუძველზე, არაუგვიანეს 10 სამუშაო დღის განმავლობაში.

## 7. მხარეთა ვალდებულებები

- 7.1. „მიმწოდებელი“ ვალდებულია:
  - 7.1.1. მიაწოდოს „შემსყიდველს“ უნაკლო მომსახურება;
  - 7.1.2. „შემსყიდველს“ მიაწოდოს მომსახურება ხელშეკრულების პირობების შესაბამისად და უზრუნველყოს თანმხლები დოკუმენტაციის წარდგენა;
  - 7.1.3. უზრუნველყოს ნაკლოვანებების გამოსწორება 3 (სამი) დღის ვადაში;
  - 7.1.4. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;
  - 7.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.2. „შემსყიდველი“ ვალდებულია:
  - 7.2.1. უზრუნველყოს „მიმწოდებლის“ დროული და სრული დაფინანსება;
  - 7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
  - 7.2.3. დაიცვას ხელშეკრულებით გათვალისწინებული ყველა პირობა.

## 8. მხარეთა უფლებები

- 8.1. „მიმწოდებელს“ უფლება აქვს:
  - 8.1.1. მოითხოვოს დროული და სრული დაფინანსება ფაქტიურად მიწოდებული საქონლის შესაბამისად.
- 8.2. „შემსყიდველს“ უფლება აქვს:
  - 8.2.1. აწარმოოს მიწოდებული მომსახურების კონტროლი;
  - 8.2.2. განაცხადოს უარი უხარისხო მომსახურების მიღებაზე.

## 9. ფორს-მაჟორი

- 9.1. ხელშეკრულების პირობების ან რომელიმე მათგანის შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელი და მათი კონტროლისგან დამოუკიდებელ გარემოებებს, რომელიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იყოს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარიდან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

### 10. ხელშეკრულების პირობების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლებიც გამოც წარმოიშვა ხელშეკრულების პირობების შეცვლის აუცილებლობა.

10.2. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

### 11. სადაო საკითხების გადაწყვეტა

11.1. შემსყიდველმა და მიმწოდებელმა ყველა დონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს.

### 12. ხელშეკრულებაში ცვლილებების შეტანა

12.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

### 13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

### 14. ხელშეკრულების პირობების შეუსრულებლობა

14.1. იმ შემთხვევაში, თუ მიმწოდებლის მხრიდან ხელშეკრულებით გათვალისწინებული პირობების შესაბამისად არ განხორციელდა შესაბამისი რაოდენობისა და ხარისხის საქონლის მიწოდება, მიმწოდებელს დაეკისრება პირსაგამტებლო შეუსრულებელი ვალდებულებების ღირებულების 0,2%-ის ოდენობით ყოველ ვადაგადაცილებულ დღეზე.

14.2. იმ შემთხვევაში თუ, ხელშეკრულებით ნაკისრი ვალდებულებების არაჯეროვანი შესრულების ან შეუსრულებლობისათვის დაკისრებული პირგასამტებლოს ჯამური თანხა გადააჭარბებს ღირებულების 2%-ს, მეორე მხარეს უფლება აქვს შეწყვიტოს ხელშეკრულება.

### 15. ხელშეკრულების შეწყვეტა

15.1. ხელშეკრულება შეიძლება შეწყვეტილ იქნას:

15.1.1. მხარეთა შეთანხმებით;

15.1.2. ერთი მხარის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

15.1.3. ერთ-ერთი მხარის ინიციატივით, მეორე მხარის წერილობითი გაფრთხილებიდან 10(ათი) კალენდალური დღის განმავლობაში;

15.1.4. საქართველოს კანონმდებლობით გათვალისწინებულ სხვა შემთხვევაში.

### 16. ხელშეკრულების მოქმედების ვადა

16.1. წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს 2019 წლის 10 ივნისის ჩათვლით.

### 17. განსაკუთრებული პირობები

17.1. ხელშეკრულება შედგენილია სამ ეგზემპლარად და თითოეულ მათგანს თანაბარი იურიდიული ძალა აქვს.

17.2. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

17.3. ხელშეკრულების ერთი ეგზემპლარი ინახება „მიმწოდებელთან“ ორი ეგზემპლარი „შემსყიდველთან“.

### 18. ინტერესთა კონფლიქტი

18.1 ხელისმომწერ პირთა „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმომწერნი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

### 19. რეკვიზიტები


#### შემსყიდველი

ლაგოდეხის მუნიციპალიტეტი  
საიდ. კოდი: 233144987  
ქ. ლაგოდეხი, 26 მაისის ქ. N25  
მიმღების დასახელება - ხაზინის ერთიანი ანგარიში;  
მიმღები ბანკი - სახელმწიფო ხაზინა;  
ბანკის კოდი - TRESGE22;  
მიმღების ანგარიში /სახაზინო კოდი 200122900

#### მიმწოდებელი

ინდ.მეწარმე: გიორგი ვეფხვაძე აიტი სტუდია  
ს/კოდი: 59001106096  
მის: ქ. გორი, ქუთაისის ქ. N66.  
ს.ს. „საქართველოს ბანკი“  
ბ/კოდი BAGAGE22  
ან GE45BG000000855016200

ჯონდო მდივნიშვილი  
ლაგოდეხის მუნიციპალიტეტის მერი



გიორგი ვეფხვაძე აიტი სტუდია  
ინდ.მეწარმე:


Digitally signed by  
Giorgi Vepkhvadze  
Date: 2019.04.05  
18:26:34 +04'00'

Lagodekhi Municipality  
Digitally signed  
by Lagodekhi  
Municipality  
Date: 2019.04.05  
16:18:06 +04'00'

დასუფთავების პროგრამის შესაძლებლობები და ფუნქციები:

- . სააბონენტო მონაცმთა ერთიანი ელექტრონული ბაზა;
- . აბონენტების დამატება, წაშლა, განახლება, სტატუსის შეცვლა;
- . ტარიფების სისტემა, ახალი ტარიფის დამატება, არსებული ტარიფის შეცვლა;
- . ადმინისტრაციული ერთეულების ან უბნების დამატება შეცვლა განახლება;
- . დავალიანებების ავტომატური კონტროლი, გამლევთ შეტყობინება და ცალკე ბაზაში ასახავს დავალიანების მქონე აბონენტებს განცალკევებით როგორც იურიდიულს ასევე ფიზიკურ პირებს;
- . ინკასატორების ბაზა, დამატება წაშლა განახლება;
- . ქვითრების დაბეჭდვის სისტემა როგორც პერსონალური ასევე საერთო ფილტრაციების ფუნქციით;
- . დარიცხვების მოდული, ისტორია როგორც თვეების ასევე წლების მიხედვით .სტატისტიკები;
- . შემოსული თანხების ფილტრაცია და გამიჯვნა როგორც იურიდიული ასევე ფიზიკური პირების;
- . ონლაინ გადახდების სისტემებთან ინტეგრაციის მოდული;
- . SMS კომპანიასთან ინტეგრაციის მოდული;
- . ადმინისტრატორის და სხვა ოპერატორების დამატების მხარდაჭერა;
- . პლანშეტის აპლიკაცია ინკასატორებისთვის საიდანაც შეძლებს ინკასატორი მონაცემთა ბაზასთან კავშირს და ადგილზე მოახდენს იმფორმაციის მიღებას;

ჯონდო მდივნიშვილი  
ლაგოდეხის მუნიციპალიტეტის მერა



გიორგი ვეფხვაძე აიტი სტუდია  
ინდ.მეწარმე:

Giorgi  
Vepkhvadze

Digitally signed by Giorgi  
Vepkhvadze...  
Date: 2019.04.05 18:31:48  
+04'00'